



Broj: 04-44-1-99/19

Sarajevo, 13.08.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ

za period od 07:00 sati 09.08.2019. do 07:00 sati 13.08.2019. godine

Kantonalni operativni centar civilne zaštite je dana, 12.08.2019. godine u 13:20 sati primio informaciju, od Policijske stanice Konjic, da su se dvojica stranih državljana Holandije i Njemačke izgubila na širem lokalitetu Bjelašnice. Dežurni u Kantonalnom operativnom centru civilne zaštite odmah je obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, a u skladu sa propisanim procedurama angažovana je Gorska služba spašavanja Kantonalne uprave civilne zaštite Kantona Sarajevo, čije su dvije ekipe u veoma kratkom roku stigle na Bjelašnicu, širi lokalitet sela Lukomir. Pripadnici Gorske službe spašavanja su oko 16:00 sati uspješno locirali i pronašli dva izgubljena lica, te ustanovili da nemaju povreda, da su blago dezorjentisani i dehidrirani. Isti su smješteni na sigurnu lokaciju u selu Lukomir. U akciji je učestvovalo osam spasilaca.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo (Profesionalne vatrogasne jedinice) u proteklom izvještajnom periodu imali su 13 intervencija i to jednu veću i 12 manjih. Dana, 10.08.2019. na zahtjev nadležnih organa Republike Srpske za pomoć u gašenju požara u ulici Vuka Karadžića br.17 (Istočno Sarajevo), u bivšoj fabrici Energoinvesta, a po odobrenju direktora Kantonalne uprave civilne zaštite Kantona Sarajevo, pripadnici profesionalne vatrogasne jedinice Kantonalne uprave civilne zaštite Kantona Sarajevo, i pripadnici tri dobrovoljna vatrogasna društva DVD Vratnik, DVD Ilidža i DVD Alipašin Most, (ukupno 12 vatrogasaca sa četiri vatrogasna vozila) upućeni su na teren u Istočno Sarajevo, gdje su u terminu od 15:00 sati 10.08.2019. do 03:00 sati 11.08.2019. godine učestvovali u gašenju požara.



Ostale intervencije bile su manjeg inteziteta i to: četiri na gašenju smeća u kontejneru, jednu na gašenju smeća na otvorenom prostoru, dvije na obezbjeđenju (sportskog događaja i tankovanja goriva na Međunarodnom aerodromu Sarajevo), dvije na gašenju električne instalacije, jedna tehnička (zaglavljena vrata stana), jedna na gašenju plinske boce u stanu i jedna manja u ugostiteljskom objektu.

Napomena:

U protekla 24 sata Pripadnici Kantonalne uprave civilne zaštite Kantona Sarajevo (Profesionalne vatrogasne jedinice) imali su četiri manje intervencije i to: jednu na gašenju smeća u kontejneru, jedna na obezbjeđenju sportskog događaja, jedna tehničke (otvaranje zagavljenih vrata stana) i jednu na gašenju elektroinstalacije.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 20°C, vlažnost zraka 80%, barometarski pritisak 940,0 hPa.

BIHAMK: Saobraćaj se na području Kantonu Sarajevo odvija uredno. Na dionicama gdje se izvode planirani radovi saobraćaj se odvija po posebnoj režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komadantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1